

OECD, SARS LE KGORO YA MATLOTLO A SETŠHABA BA TŠWELAPELE KA KGWERANO YA GO TIIŠETŠA TIRIŠANOMMOGO YA MOTŠHELO

Pretoria, 11 Janaware 2019 – Lehono, ba OECD, Ditirelo tša Motšhelo tša Afrika Borwa (SARS) le Kgoro ya Matlotlo a Setšhaba ya Afrika Borwa (National Treasury) ba saenne Memorantamo wa Tirišanommogo (MoC), ba dumelelane go tšwelapele ka go šoma mmogo ka ga merero ya motšhelo. MoC o tšwelapele go fihla ka Disemere 2023.

Maloko a mararo a na le histori ya sebaka se setelele ya tirišanommogo gomme MoC e fana ka tšwetšopele ya tirišanommogo e bjalo ya phihlelelo ya tebo ya go swana ya go tšwetšapele mekgwatšhomo ya botshephegi ya motšhelo gape ya kgontšhagalo le taolo, go tiišetša le go mpshafatša diarea tša motšhelo wa ditšhabatšhaba ka go abelana maitemogelo magareng ga SARS, Kgoro ya Matlotlo a Setšhaba le dinaga tša maloko a OECD.

MoC o saennwe ka Pretoria, Afrika Borwa, ke Mrn. Ben Dickinson, Hlogo ya Karolo ya OECD ya Dikamano tša Lefase le Tšwetšopele ka go Senthara ya Pholisi ya Motšhelo le Taolo, Mrn. Mark Kingon, Moswarela Khomišinare wa SARS, le Stadi Mngomezulu, Moswarela Molaodi-Kakaretšo wa Kgoro ya Matlotlo a Setšhaba (o saenne legatong la Dondo Mogajane, Molaodi-Kakaretšo wa Kgoro ya Matlotlo a Setšhaba).

Ka nako ya moletlo wa go saena Ben Dickinson o rile: "Ke thabetše gore re tiišetša kgwerano ya rena le SARS le Kgoro ya Matlotlo a Setšhaba. Mmogo re dirile meletlo ya go tšwelela ya tlhahlo bjale ka karolo ya Mananeo a Dikamano tša Lefase mo mengwageng ya go feta gape ke lebeletše go katološa dikamano tša rena go thuto ya go kopanywa le thuto ya inthanete ka 2019.

"Ke ka lebaka la tirišanommogo ya go swana le yeo re e tsenetšego le OECD gore re ka kaonafatša maiteko a rena a go koleka motšhelo le go tiiša temokrasi ya rena," go boletše Dondo Mogajane, Molaodi-Kakaretšo wa Kgoro ya Matlotlo a Setšhaba. Mark Kingon o dirile tshwayotshwayo ya gore tirišanommogo magareng ga OECD–Afrika Borwa mabapi le Pholisi ya Motšhelo le Taolo mo mengwageng ye lesome ya go feta e khotše maloko ka moka ao a amegago.

"Go katološa se go iša pele ka mengwaga ye mehlano go bonolo. Ke thabišwa ke tšwetšopele ya kago ya kamano yeo MoC le OECD di tla thuša SARS ka tsepelelo ya tebo ya mmušo ka botlalo ya taolo ya motšhelo, gape le go oketša mabokgoni a baofisiri ba rena ka motšhelo wa ditšhabatšhaba".

Go hwetša tshedimošo e nngwe, ka kgopelo etela:

- OECD: www.oecd.org/tax
- Kgoro ya Matlotlo a Setšhaba: www.treasury.gov.za
- SARS: www.sars.gov.za



Kgoro ya Matlotlo a Setšhaba, SARS le OECD lehono ba saenne Memorantamo wa Tirišanommogo (MoC), ba dumelelane go tšwelapele ka go šoma mmogo ka merero ya motšhelo. MoC o tšwelapele go fihla ka Disemere 2023. Bao ba saennego MoC ka ofisi kgolo ya SARS ka Pretoria ke, go tloga go la ngele, Stadi Mngomezulu, Moswarela Molaodi-Kakaretšowa Kgoro ya Matlotlo a Setšhaba (o saena legatong la Dondo Mogajane, Molaodi-Kakaretšo wa Kgoro ya Matlotlo a Setšhaba); Mark Kingon, Moswarela Khomišinarewa SARS le Ben Dickinson, Hlogo ya Karolo ya OECD ya Dikamano tša Lefase le Tšwetšopele ka go Senthara ya Pholisi ya Motšhelo le Taolo.